

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 13-1160-3/19 od 23.08.2019. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa vd Direktor Mr. Zijad Memišević (u daljem tekstu: Ugovarač osiguranja)

i

2. **„CENTRAL OSIGURANJE“ d.d. Sarajevo**, ul. Džemala Bijedića br. 39, registrovan kod Općinskog suda u Sarajevu, matični broj subjekta upisa: 65-02-0002-16, identifikacijski broj kod Porezne uprave FBiH Kantonalni ured Sarajevo 4202233240008, koga zastupa direktor Hamid Malik (u daljem tekstu: Osiguravatelj)

dana 23.08.2019. godine, u Sarajevu, zaključuju:

UGOVOR O OSIGURANJU IMOVINE

OPĆE ODREDBE

Član 1.

Ovim Ugovorom regulišu se međusobna prava i obaveze Ugovarača osiguranja sa jedne strane i Osiguravatelja sa druge strane, u vezi sa osiguranjem imovine Ugovarača osiguranja, a sve prema zahtjevima Ugovarača osiguranja, kao ugovornog organa broj: 13-1160-1/19 od 16.08.2019. godine i Ponudi Osiguravatelja, broj: 1124/19 od 23.08.2019. godine, koji čine sastavni dio ovog Ugovora.

Član 2.

Osiguravatelj se obavezuje Ugovaraču osiguranja isplatiti ugovorenu sumu osiguranja za slučaj nastanka osiguranog slučaja, a Ugovarač osiguranja se obavezuje Osiguravatelju platiti ugovorenu premiju osiguranja.

PREDMET UGOVORA

Član 3.

Predmet ovog Ugovora je osiguranje od opasnosti požara imovine Ugovarača osiguranja:

- a) Osiguranje građevinskih objekata (objekti za smještaj korisnika usluga, Žigina kuća i objekat Prihvatišta),
- b) Osiguranje opreme.

Član 4.

Po ovom Ugovoru imovina Ugovarača osiguranja osigurat će se po Uslovima za osiguranje od opasnosti požara propisanim od strane Osiguravača.

VRIJEDNOST UGOVORA, NAČIN I ROKOVI PLAĆANJA

Član 5.

Za osiguranje imovine iz člana 3. ovog Ugovora Ugovorne strane saglasno utvrđuju ukupan iznos premije osiguranja za period od 1 jedne godine u ukupnom iznosu od **1.384,11 KM**.

Član 6.

Ugovarač osiguranja se obavezuje da će plaćanje ugovorenog iznosa premije osiguranja iz člana 5. ovog Ugovora izvršiti jednokratno, po zaključenju Ugovora i to u roku od 7 (sedam) dana po ispostavljenoj fakturi. Plaćanje će se izvršiti na račun Osiguravatelja broj:1327002017024110 otvoren kod NLB banke dd.

Član 7.

Ovaj Ugovor se zaključuje na period od 1 jedne godine i to od 01.09.2019. godine do 01.09.2020.godine. Osiguravač se obavezuje da se ukupna premija za osiguranje iz člana 5. u iznosu od **1.384,11 KM** neće mijenjati u periodu za koji se zaključuje Ugovor o osiguranju. Ukoliko Osiguravatelj izmijeni uslove za osiguranje od opasnosti požara, dužan je obavijestiti Ugovarača osiguranja u roku od 7 dana od dana nastanka promjene.

PRIJAVLJIVANJE ŠTETE

Član 8.

Kad nastane osigurani slučaj na osnovu kojeg se traži naknada iz osiguranja, Ugovarač osiguranja je dužan postupiti na sljedeći način:

1. Odmah preduzeti sve što je u njegovoj moći da se ograniče njegove štetne posljedice i pri tome se pridržavati uputa koje mu je dao Osiguravatelj ili njegov predstavnik,
2. Odmah telefonom, faksom ili na drugi način obavijestiti Osiguravatelja o nastupanju osiguranog slučaja, a najdalje u toku od tri dana.
3. Što prije, a najduže u roku od tri dana, pismeno potvrditi prijavu nastupanja osiguranog slučaja.
4. Nadležnom organu unutrašnjih poslova odmah prijaviti nastupanje osiguranog slučaja, sa svim podacima o osiguranom slučaju.

RJEŠAVANJE ŠTETE

Član 9.

Osiguravatelj je obavezan Ugovaraču osiguranja isplatiti naknadu iz osiguranja za štetu prouzrokovanu nastankom osiguranog slučaja po odredbama Opštih uslova i Posebnih uslova za osiguranje za koje je zaključen ugovor o osiguranju.

Kad primi prijavu o nastalom osiguranom slučaju Osiguravatelj je dužan odmah, a najkasnije u roku od 3 dana pristupiti utvrđivanju i procjeni štete uz uslov da se prethodno komisijski utvrdi uzrok nastanka osiguranog slučaja i obim oštećenja.

Štetu utvrđuju i procjenjuju zajedno Osiguravatelj i Ugovarač osiguranja, odnosno njihovi ovlašteni predstavnici. Ugovarač osiguranja može i prije isteka roka od tri dana početi otklanjanje štete ako je to potrebno radi normalizacije stanja.

Član 10.

U slučaju da se Ugovarač osiguranja i Osiguravatelj ne usaglase pri utvrđivanju i procjeni nastale štete, svaka od ugovornih strana može zatražiti da štetu utvrde stručna lica (vještaci odgovarajuće struke). Iznos naknade ne može biti veći od štete koju je Ugovarač osiguranja pretrpio nastupanjem osiguranog slučaja.

ISPLATA NAKNADE - PLAĆANJE ŠTETE

Član 11.

Kada se dogodi osigurani slučaj Osiguravatelj je dužan Ugovaraču osiguranja odmah po izvršenom uvidaju i po kompletiranju dokumentacije, isplatiti naknadu u visini utvrđene i procijenjene štete, obostrano usaglašene, a najkasnije u roku od 14 (četrnaest) dana.

Ako je za utvrđivanje postojanja obaveze Osiguravatelja ili njenog iznosa potrebno izvjesno vrijeme, rok za isplatu naknade počinje teći od dana kada je utvrđeno postojanje njegove obaveze i njen iznos.

Ako iznos obaveze Osiguravatelja ne bude utvrđen u roku određenom u prvom stavu ovog člana Osiguravatelj je dužan na zahtjev Ugovarača osiguranja isplatiti mu iznos nespornog dijela svoje obaveze na ime predujma.

USLOVI OSIGURANJA

Član 12.

Sastavni dio ovog ugovora su propisani uslovi Osiguravatelja za osiguranje od opasnosti požara (prihvaćeni u ponudi) i police osiguranja.

ZAVRŠNE ODREDBE

Član 13.

Ugovorne strane se obavezuju da obavijeste drugu ugovornu stranu o svim statusnim promjenama, dostavljanjem odgovarajuće dokumentacije u roku od osam dana od dana upisa u nadležni registar.

Član 14.

Za sve odnose koji nisu regulisani ovim Ugovorom, primjenjivaće se Zakon o obligacionim odnosima.

Član 15.

Ugovorne strane se obavezuju na pridržavanje zakonskih i podzakonskih propisa, kao i čuvanje poslovne tajnosti i pridržavanje poslovnih običaja.

Član 16.

Izmjene i dopune ovog Ugovora, osim suštinskih elemenata koji se odnose na iznos premije i period trajanja, mogu se vršiti u pismenoj formi, uz saglasnost ugovornih strana.

Član 17.



Ovaj Ugovor se može raskinuti pismenim putem ukoliko se jedna od ugovornih strana ne bude pridržavala odredaba istog, uz predhodno izmirenje svih obaveza nastalih po osnovu Ugovora.
Ovaj Ugovor se smatra raskinutim prijemom pismenog obavještenja o raskidu istog.

Član 18.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 19.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

OSIGURAVATELJ



Mate
364/19

Datum: 30.08.2019

UGOVARAČ OSIGURANJA
DIREKTOR



Broj: 13-1160-4/19.

Datum: 23.08.2019. godine

FA

olka